

- minus opus horum gratia susceptum ENTIS nomine nuncupatur. 28. Quodcunque sine fide peragitur, sive sacrificium sit, seu largitio, seu castimonia, sive opus, NON-ENS dicitur, Prithae fili: neque id valet post mortem, neque in hoc aevo.

## LECTIO XVIII.

## ARJUNAS loquitur:

1. Abdicationis, o heros, veram naturam cupio cognoscere, dimissionisque, sensuum domitor, singularum separatim, o Kesis interfector.

## ALMUM NUMEN loquitur:

2. Optioni permissorum operum abdicationem ABDICATIONIS nomine vates intelligunt; omnium operum praemii dimissionem praedicant DIMISSIONEM sermonis periti. 3. Dimittendum culpaе instar esse opus quodlibet, nonnulli docuere philosophi; ad sacrificium, largitionem, castimoniam pertinens 4. opus haud dimittendum, rursus alii. Decretum meum iam ausculta super dimissione, Bharatidarum optime. Dimissio 5. videlicet, virorum princeps, triplex pronuntiata est. Ad sacrificium, largitionem, castimoniam pertinens opus haud dimittendum, faciendum id utique. Sacrificium, largitio, nec 6. non castimonia, sunt lustramina sapientum. Sed et ista opera, (v. c. bellum militi gerendum et s. p.) ambitione fructuque dimissis, peragenda sunt, Prithae fili: hoc est decretum meum certum ac supremum. 7. Necessary vero operis abdicatio haud consentanea est: istiusmodi operis intermissio 8. a stultitia profecta caliginosa praedicatur. Difficile esse reputans, si quis opus quoddam prae formidine corporalis molestiae dimittat, is, facta dimissione impetuosa non sane di